


Seëninge of Vloeke van die Here!



Deut 30:19 Ek neem vandag die hemel en die aarde as getuies teen julle; die lewe en die dood, die seën en die vloek het ek jou voorgehou. Kies dan die lewe, dat jy kan lewe, jy en jou nageslag,

Kies dan:

In die skrifgedeelte op ons voorblad sien ons duidelik dat **God** die mens 'n keuse gee: Deut 30:19 Ek neem vandag die hemel en die aarde as getuies teen julle; die lewe en die dood, die seën en die vloek het ek jou voorgehou. **Kies dan die lewe, dat jy kan lewe, jy en jou nageslag,**

Die hoof 'voertuig' waarmee vloeke oorgedra word, is deur middel van woorde. Hetsy die gesproke woord, die geskrewe woord, of selfs woorde wat net in jou gedagtes, jou binneste geuiter is.

Spr 11:9 Deur die mond stort die roekelose sy naaste in die verderf, maar deur kennis word die regverdiges gered.

Spr 18:21 Dood en lewe is in die mag van die tong; en elkeen wat dit graag gebruik, sal die vrug daarvan eet.

Jak 3:6 **Die tong is ook 'n vuur, die wêreld van ongeregtigheid. Net so 'n plek neem die tong onder ons lede in;** dit besmet die hele liggaam en steek die hele lewensloop aan die brand en word uit die hel aangesteek.

Jak 3:8 Maar die tong kan geen mens tem nie; **dit is 'n onbedwingbare kwaad,** vol dodelike gif.

Jak 3:9 Daarmee loof ons God en die Vader, en daarmee vervloek ons die mense wat na die gelykenis van God gemaak is.

Jak 3:10 Uit dieselfde mond kom seën en vervloeking. Dit, my broeders, behoort nie so te wees nie.

Geen vloek sonder 'n oorsaak nie.

Spr 26:2 Soos die voëltjie wegfladder, soos die swaweltjie **wegvlieg, so is 'n vervloeking sonder oorsaak: dit kom nie uit nie.**

Die seën of vloek van die Here rus op ons as gevolg van ons eie

optrede. Ons eie keuse. In God se woord kry ons legio voorbeelde daarvan. Vloeke weens ongehoorsaamheid aan God se woord en ook as gevolg van doelbewuste sonde.

12 Vloeke wat die mens op homself bring!

Deut 27 :15-26 begin almal met "Vervloek is"

- Deut 27:15 Vervloek is die **man wat 'n gesnede of gegote beeld maak, 'n gruwel vir die HERE, werk van 'n ambagsman se hande**, en dit in die geheim opstel; en die hele volk moet antwoord en sê: Amen.
- Deut 27:16 Vervloek is hy wat sy vader of sy moeder verag; en die hele volk moet sê: Amen.
- Deut 27:17 Vervloek is hy wat sy naaste se grenslyn verlê; en die hele volk moet sê: Amen.
- Deut 27:18 Vervloek is hy **wat 'n blinde op die dwaalweg lei; en** die hele volk moet sê: Amen.
- Deut 27:19 Vervloek is hy wat die reg van vreemdelyng, wees en weduwee verdraai; en die hele volk moet sê: Amen.
- Deut 27:20 Vervloek is hy wat met die vrou van sy vader gemeenskap het, want hy het die kombes van sy vader opgelig; en die hele volk moet sê: Amen.
- Deut 27:21 Vervloek is hy wat met enige dier gemeenskap het; en die hele volk moet sê: Amen.
- Deut 27:22 Vervloek is hy wat met sy suster, die dogter van sy vader of die dogter van sy moeder, gemeenskap het; en die hele volk moet sê: Amen.
- Deut 27:23 Vervloek is hy wat met sy skoonmoeder gemeenskap het; en die hele volk moet sê: Amen.
- Deut 27:24 Vervloek is hy wat sy naaste in die geheim doodslaan; en die hele volk moet sê: Amen.
- Deut 27:25 Vervloek is hy **wat 'n omkoopgeskenk aanneem om 'n persoon—onskuldige bloed—dood te slaan**; en die hele volk moet sê: Amen.
- Deut 27:26 Vervloek is hy wat die woorde van hierdie wet nie hou om dit te doen nie; en die hele volk moet sê: Amen.

In Deuteronomi 27 en 28 maak die **DAKE'S BYBEL** melding van 124 vloeke van GOD. DIE ANDERKANT VAN N LIEFDEVOLLE GOD.

Vloeke vir ongehoorsaamheid.

Deut 28:15 Maar as jy nie luister na die stem van die HERE jou God, om sorgvuldig te hou al sy gebooie en sy insettinge wat ek jou vandag beveel nie, dan sal al hierdie vloeke oor jou kom en jou inhaal.

Lev 26:14 Maar as julle nie na My luister en al hierdie gebooie nie doen nie;

Lev 26:15 en as julle my insettinge verwerp, en as julle siel van **my verordeninge 'n afsku het**, sodat julle nie al my gebooie doen nie en my verbond verbreek

Lev 26:18 En as julle dan nog nie na My luister nie, sal Ek voortgaan om julle sewevoudig weens julle sondes te tuggig.

Die Vloek van God rus op alles wat jy doen:

Deut 28:16 Vervloek sal jy wees in die stad, en vervloek sal jy wees in die veld.

Deut 28:17 Vervloek sal wees jou mandjie en jou baskottel. (King James sê: "storehouses")

Deut 28:18 Vervloek sal wees die vrug van jou liggaam en die vrugte van jou land, die aanteel van jou beeste en die aanteel van jou kleinvee.

Deut 28:19 Vervloek sal jy wees by jou ingang, en vervloek sal jy wees by jou uitgang.

Deut 28:20 Die HERE sal teen jou stuur die vervloeking,

die verwarring en die bedreiging in alles waar jy jou hand aan slaan, wat jy moet doen; totdat jy verdelg is en totdat jy gou tot niet gaan vanweë die boosheid van jou handelinge, dat jy My verlaat het.

God sal nooit sy vloeke op ons laat rus, as ons Hom nie eerste verwerp het nie.

Die vloek van God rus op jou liggaam en verstand [intellek/gees], asook jou lewensomstandighede:

Deut 28:21 Die HERE sal maak dat die pes jou aankleef totdat Hy jou vernietig uit die land waarheen jy gaan om dit in besit te neem.

Deut 28:22 Die HERE sal jou swaar tref met tering en koors en vurige koors en ontsteking en droogte en brandkoring en heuningdou; en hulle sal jou vervolg totdat jy omkom.

Lev 26:16 dan sal Ek dit ook aan julle doen: Ek sal verskrikking oor julle beskik: die tering en die koors wat die oë verteer en die lewe laat versmag; julle sal ook tevergeefs julle saad saai, want julle vyande sal dit opeet.

Amos 4:9 Ek het julle met brandkoring en met heuningdou swaar getref, baie van julle tuine en julle wingerde en julle vyebome en julle olyfbome het die sprinkaan verslind—noggans het julle jul tot My nie bekeer nie, spreek die HERE.

Deut 28:23 En jou hemel wat bo jou hoof is, sal koper, en die aarde wat onder jou is, yster wees.

Deut 28:24 Die HERE sal die reën van jou land poeier en stof maak; van die hemel sal dit op jou afkom totdat jy verdelg is.

Deut 28:25 Die HERE sal maak dat jy voor jou vyande ver-

slaan word; op een pad sal jy teen hom uittrek en op sewe paaie sal jy voor hom uit vlug—**en jy sal ‘n** skrikbeeld vir al die koninkryke van die aarde word.

Deut 28:26 En jou lyke sal as voedsel dien vir al die voëls van die hemel en vir die diere van die aarde sonder dat iemand hulle skrikmaak.

Deut 28:27 Die HERE sal jou swaar tref met swere van Egipte en met geswelle en skurfte en uitslag waarvan jy nie kan gesond word nie.

Deut 28:28 Die HERE sal jou slaan met kranksinnigheid en blindheid [heel waarskynlik geestelike blindheid] en sinsverwarring,

Tit 1:15 Alle dinge is rein vir die reines; vir die besoedeldes en ongelowiges egter is niks rein nie, maar hulle verstand sowel as hulle gewete is besoedel.

Jy sal kragteloos wees teenoor jou vyande en onderdrukkers.

Deut 28:29 sodat jy op die middag sal rondtas soos die blinde in die donker rondtas, en in jou weë sal jy geen voorspoed hê nie; maar jy sal altyddeur net verdruk en beroof wees sonder **dat daar ‘n helper is.**

Deut 28:30 Jy sal **jou met ‘n vrou verloof, maar ‘n ander** man sal haar skend; ‘n huis sal jy bou, maar daarin nie woon **nie; ‘n** wingerd plant, maar dit nie in gebruik neem nie.

Deut 28:31 Jou bees word voor jou oë geslag, maar jy sal daarvan nie eet nie; jou esel word voor jou weggeroof en sal na jou nie terugkom nie; jou kleinvee word aan jou vyande gegee **sonder dat daar vir jou ‘n helper is.**

Deut 28:32 Jou seuns en jou dogters **word aan 'n** ander volk gegee, terwyl jou oë dit sien en die hele dag na hulle smag sonder dat jy daar iets aan kan doen.

Deut 28:33 Die vrugte van jou land en al jou werk **sal 'n** volk eet wat jy nie ken nie; en jy sal altyddeur net verdruk en hard behandel word.

Deut 28:34 En jy sal kranksinnig wees vanweë die gesig van jou oë wat jy sal sien.

Deut 28:35 Die HERE sal jou tref met bose swere aan die knieë en aan die bene—waarvan jy nie gesond kan word nie—van jou voetsool tot jou skedel.

Deut 28:36 Die HERE sal jou en jou koning wat jy oor jou sal aanstel, **na 'n nasie laat gaan wat jy en jou vaders nie geken het nie**; en daar sal jy ander gode, hout en klip, dien.

Deut 27:15 Vervloek is die man **wat 'n gesnede of gegote beeld maak, 'n gruwel vir die HERE, werk van 'n ambagsman se hande, en dit in die geheim opstel**; en die hele volk moet antwoord en sê: Amen.

Deut 28:37 **En jy sal 'n voorwerp van verbasing, 'n spreekwoord en 'n spot wees onder al die volke waarheen die HERE jou sal wegvoer.**

Die vloek van die Here rus op alle arbeid wat jy verrig en alle besigheid wat jy onderneem.

Deut 28:38 Jy sal baie saad op die land uitbring, maar min insamel; want die sprinkaan sal dit afeet.

Deut 28:39 Wingerde sal jy plant en bewerk maar geen wyn drink of wegbêre nie; want die wurm sal dit opeet.

Deut 28:40 Olyfbome sal jy hê in jou hele grondgebied, maar jy

sal jou nie met olie salf nie; want jou olywe sal afval.

Deut 28:41 Seuns en dogters sal jy verwek, maar hulle sal vir jou nie wees nie; want hulle sal in gevangenskap gaan.

Deut 28:42 Al jou bome en die vrugte van jou land sal die sprinkaan in besit neem.

Joel 1:4 Wat die afknyper laat oorbly het, het die treksprinkaan verslind; en wat die treksprinkaan laat oorbly het, het die voetganger verslind; en wat die voetganger laat oorbly het, het die kaalvreter verslind.

Deut 28:43 Die vreemdeling wat by jou is, sal hoër en hoër oor jou opklim; en jy sal laer en laer afsak.

Psa 106:41 En Hy het hulle in die hand van die heidene gegee, en hulle haters het oor hulle geheers;

Deut 28:44 Hy sal aan jou leen, maar jy sal aan hom nie leen nie; hy sal die kop en jy die stert wees.

Deut 28:45 En al hierdie vloeke sal oor jou kom en jou agtervolg en jou inhaal totdat jy verdelg is, omdat jy nie geluister het na die stem van die HERE jou God om sy gebooie en sy insettinge wat Hy jou beveel het, te hou nie;

Deut 28:46 **en hulle sal by jou 'n teken en 'n wonder wees, en by jou nageslag tot in ewigheid.**

Deut 28:47 Omdat jy die HERE jou God nie met vreugde en vrolikheid van hart weens die oorfloed van alles gedien het nie,

Deut 28:48 sal jy jou vyand wat die HERE teen jou sal stuur, dien in honger en in dors en in naaktheid en in gebrek aan alles; **en hy sal 'n ysterjuk op jou nek sit totdat hy jou verdelg het.**

Jes 65:13 Daarom, so sê die Here HERE: Kyk, my knegte sal

eet, maar julle sal honger bly; kyk, my knegte sal drink, maar julle sal dors wees; kyk, my knegte sal bly wees, maar julle sal beskaamd staan.

Die vloek van die Here veroorsaak dat elke denkbare ellende en smart jou tref.

Deut 28:49 Die **HERE sal teen jou 'n nasie bring** van ver, van **die einde van die aarde af, soos 'n arend vlieg—'n nasie wie se taal jy nie verstaan nie,**

Deut 28:50 **'n nasie hard van aangesig, wat 'n grysaard nie ont-sien en vir 'n seun geen genade het nie.**

Deut 28:51 En hulle sal die vrug van jou vee en die vrugte van jou land opeet totdat jy verdelig is; wat vir jou geen koring, mos of olie, aanteel van jou beeste of aanteel van jou kleinvee sal laat oorbly totdat hulle jou tot niet gemaak het nie.

Deut 28:52 En hulle sal jou in benoudheid bring in al jou poorte totdat jou hoë en versterkte mure val waarop jy in jou hele land vertrou het; ja, hulle sal jou in benoudheid bring in al jou poorte in jou hele land wat die HERE jou God jou gegee het.

Deut 28:53 En jy sal die vrug van jou liggaam eet, die vlees van jou seuns en jou dogters wat die HERE jou God jou gegee het, in die beleëring en in die benoudheid waarmee jou vyand jou benoud sal maak.

Klaagl 4:10 Jod. Die hande van teerhartige vroue het hulle eie kinders gekook; dit het hulle voedsel geword in die ver-breking van die dogter van my volk.

Deut 28:54 Die vertroetelde en baie verwénde man by jou—sy oog sal sy broer en die vrou wat hy liefhet, en sy orige kinders wat hy nog behou het, skeef aankyk;

Deut 28:55 sodat hy aan geeneen van hulle iets sal gee van die vlees van sy kinders wat hy eet nie, omdat daar vir hom niks anders oorgelaat is in die beleëring en in die benoudheid waarmee jou vyand jou in al jou poorte benoud sal maak nie.

Deut 28:56 Die vertroetelde en verwénde vrou by jou wat van verwendheid en weekheid nooit probeer het om haar voetsool op die grond neer te sit nie—haar oog sal die man wat sy liefhet en haar seun en haar dogter skeef aankyk,

Deut 28:57 ook haar nageboorte wat tussen haar voete uitgaan, en haar kinders wat sy sal baar; want sy sal dit stilletjies eet by gebrek aan alles in die beleëring en in die benoudheid waarmee jou vyand jou in al jou poorte benoud sal maak.

Deut 28:58 **As jy nie sorgvuldig al die woorde van hierdie wet hou wat in hierdie boek geskryf is, om hierdie heerlike en gedugte Naam, die HERE jou God, te vrees nie,**

Deut 28:59 **dan sal die HERE oor jou en oor jou nageslag buitengewone plaë bring, groot en aanhoudende plaë, en kwaadaardige en aanhoudende siektes;**

Deut 28:60 en Hy sal weer op jou bring al die kwale van Egipte waarvoor jy bang was, sodat hulle jou aanklewe.

Deut 28:61 Ook allerhande siektes en allerhande plaë wat in die boek van hierdie wet nie geskrywe is nie, dié sal die HERE teen jou laat opkom totdat jy verdelg is.

Deut 28:62 En julle sal met min mense oorbly, in plaas dat julle gewees het soos die sterre van die hemel in menigte, omdat jy nie geluister het na die stem van die HERE jou God nie.

Deut 28:63 En soos die HERE oor julle bly was om aan julle goed te doen en julle te vermenigvuldig, so sal die HERE oor julle bly wees om julle tot niet te maak en julle te verdelg; en julle sal uitgeruk word uit die land waarheen jy gaan om

dit in besit te neem.

Deut 28:64 En die HERE sal jou verstrooi onder al die volke, van die een einde van die aarde tot by die ander einde van die aarde; en daar sal jy ander gode, hout en klip, dien, wat jy en jou vaders nie geken het nie.

Deut 28:65 En onder dié nasies sal jy geen rus hê nie, en vir jou voetsool sal daar geen rusplek wees nie; maar die HERE sal jou **daar 'n** bewende hart gee en smagtende oë **en 'n** kwynende siel.

Deut 28:66 **En jou lewe sal voor jou aan 'n draad hang, en jy sal** nag en dag skrik en van jou lewe nie seker wees nie.

Psa 79:2 Hulle het die lyke van u knegte aan die voëls van die hemel tot spys gegee, die vlees van u gunsgete aan die wilde diere van die land.

Deut 28:67 In die môre sal jy sê: Ag, was dit maar aand! En in die aand sal jy sê: Ag, was dit maar môre! —vanweë die skrik van jou hart wat jou sal aangryp, en vanweë die gesig van jou oë wat jy sal sien.

Deut 28:68 En die HERE sal jou op skepe na Egipte terugbring, op die pad waarvan ek vir jou gesê het: Jy sal dit verder nie meer sien nie; en daar sal julle aan jul vyande as slawe en slavinne verkoop word, maar daar sal geen koper wees nie.

Vier aksies wat hierdie vloeke gaan uitvoer.

Deut 28:45 En al hierdie vloeke sal (i) oor jou kom en (ii) jou agtervolg en (iii) jou inhaal [King James Version -overtake thee] totdat (iv) jy verdelg is, omdat jy nie geluister het na die stem van die HERE jou God om sy gebooië en sy insettinge wat Hy jou beveel het, te hou nie;

Vers 45 gee dan ook die redes waarom hierdie vloeke die mens tref:

1. omdat jy nie geluister het na God se stem nie.

2. omdat jy nie sy gebooi en sy insettinge gehou het nie.

Deut 5:29 **Ag, as hulle maar so 'n hart gehad het** om My te vrees en al my gebooi altyd te onderhou, dat dit met hulle en hul kinders vir ewig goed kan gaan.

Drie dinge wat God sal vervloek

- (1) Deut 29:18 sodat daar onder julle geen man of vrou of geslag of stam mag wees wat sy hart vandag van die HERE onse God afwend [**iemand wat sy rug op die Here keer - terugval**] om die gode van dié nasies te gaan dien nie, sodat daar onder julle geen wortel mag wees wat gif en wilde-als dra nie, [**wortel van bitterheid**]
- (2) Deut 29:19 en as hy die woorde van hierdie eedswering hoor, homself dan in sy hart gelukkig prys deur te sê: Dit sal met my goed gaan alhoewel ek in die verhardheid van my hart wandel [**leef in sonde en rebelleer teen God en sy gebooi**]**—**om so die bewaterde saam met die dorstige weg te ruk!
- (3) Deut 29:20 Die HERE sal hom nie wil vergewe nie, maar dan sal die toorn van die HERE en sy ywer teen dié man rook, en die hele vloek wat in hierdie boek geskrywe is, sal op hom rus; en die HERE sal sy naam onder die hemel uitdelg.

Vaders kan 'n vloek oor hul huise bring:

Spr 17:13 Hy wat kwaad vir goed vergelde, die kwaad sal uit sy huis nie wyk nie.

Wees versigtig watter tipe finansiële transaksies jy sluit. As jy iemand finansiël te na kom, kan jy die oordele van God op jou bring. Al is dit "wettig" kan jy nog daardeur 'n vloek op jouself en jou huis bring. Vra God of jy dit mag doen!!!

Neh 5:13 Ook het ek my boesem uitgeskud en gesê: Mag God so elke man uitskud wat hierdie woord nie bevestig nie, uit sy huis en uit sy besitting; en mag hy so uitgeskud en leeg

wees! Toe sê die hele vergadering: Amen! en hulle het die HERE geprys. En die volk het volgens hierdie woord gehandel.

Israel (Jood) is God se uitverkore volk -
Moenie hulle vloek/vervloek nie.

Deut 7:6 Want **jy is ‘n volk heilig aan die HERE jou God; jou** het die HERE jou God uitverkies om uit al die volke wat op die aarde is, sy eiendomsvolk te wees.

Sag 2:8 Want so sê die HERE van die leërskaar: Hy het my gestuur agter heerlikheid aan na die nasies wat julle uitgebuit het; want wie julle (Jood) aanraak, raak sy oogappel aan.

In die Skrif sien ons dikwels gevalle waar die Here wraak geneem het op iemand wat Israel (Jood) benadeel het. In Ester lees ons van Haman wat vir Mordegai wou doodmaak en die Joodse volk wou uitwis. Hy is aan dieselfde galg opgehang, wat hy vir Mordegai laat maak het, en al sy seuns is doodgemaak.

Est 9:10 die tien seuns van Haman, die seun van Hammedāta, die teëstander van die Jode, het hulle gedood, maar na die buit hulle hand nie uitgesteek nie.

Gen 12:3 En Ek sal seën diegene wat jou (die Jood) seën, en hom vervloek wat jou vervloek; en in jou sal al die geslagte van die aarde geseën word.

In Deuteronomium 27 en 28 lees ons van ongeveer 124 vloeke van die **Here wat die mens kan tref. (DAKE'S BYBEL bl 381)**

Vier vloeke vir die verwerping van God:

- 1 Die dood sal jou tref,
- 2 En die ongeluk.

Deut 30:15 Kyk, ek het jou vandag voorgehou die lewe en die geluk,

en die dood en die ongeluk.

3 Jy sal nie 'n lang lewe op aarde hê nie.

Psa 55:24 Maar U, o God, sal hulle laat neerdaal in die put van vernietiging; manne van bloed en bedrog sal hulle dae nie tot op die helfte bring nie; maar ék vertrou op U.

Deut 30:17 Maar as jou hart hom afwend en jy nie luister nie en jy jou laat verlei, sodat jy jou voor ander gode neerbuig en hulle dien,

Deut 30:18 dan verkondig ek julle vandag dat julle sekerlik sal omkom; julle **sal die dae nie verleng** in die land waarheen jy oor die Jordaan trek om dit in besit te gaan neem nie.

Jer 17:11 'n Voël wat eiers uitbroei sonder dat hy dit gelê het, is hy wat rykdom verwerf maar nie eerlik nie; in die helfte van sy dae moet hy dit laat agterbly, **en in sy einde sal hy 'n dwaas wees.**

4 Jou kinders sal sterwe.

Deut 30:19 Ek neem vandag die hemel en die aarde as getuies teen julle; die lewe en die dood, die seën en die vloek het ek jou voorgehou. Kies dan die lewe, **dat jy kan lewe**, jy en **jou nageslag**,

Net God kan 'n vloek in 'n seën verander

Neh 13:2 omdat hulle die kinders van Israel nie teëgekomp het met brood en water nie, en Bileam teen hulle gehuur het om hulle te vervloek; **maar onse God het die vloek in 'n seën verander.**

Volgens God se woord kan ons Om verskeie redes vloeke in ons lewens veroorsaak.

Spr 28:27 Wie aan die arme gee, sal nie gebrek ly nie; maar hy wat sy oë toemaak, word swaar vervloek.

Jer 17:5 So sê die HERE: Vervloek is die man wat op die mens vertrou en vlees sy arm maak, terwyl sy hart van die HERE afwyk.

Jer 48:10 Vervloek is hy wat nalatig is om die werk van die HERE te doen; ja, vervloek is hy wat sy swaard van bloed terughou!

Joh 7:49 Maar hierdie skare wat die wet nie ken nie, is vervloek!

1Kor 16:22 As iemand die Here Jesus Christus nie liefhet nie, **laat hom 'n vervloeking wees!** Maranâta!

Gal 1:8 **Maar al sou ons of 'n engel uit die hemel julle 'n evangelie verkondig in stryd met die wat ons julle verkondig het, laat hom 'n vervloeking wees! (Dwaalleringe.)**

Wanneer God vloek trek Hy die seën terug, en wanneer Hy seën, trek hy die vloek terug.

Die mens moet seën en nie vervloek nie:

Rom 12:14 seën die wat julle vervolg, seën en moenie vervloek nie;

1Kor 4:12 en swoeg ons deur met ons eie hande te werk. Word ons uitgeskel, ons seën; word ons vervolg, ons verdra dit;

Die Seën van die Here:

Die seëninge van God sluit alle vorme van geluk, gesondheid en voorspoed in vir sy kinders wat Hom waarlik in gees en waarheid dien en aanbid, en AL Sy gebooie onderhou. As ons nie God se gebooie onderhou nie, verloor ons nie net Sy seëninge nie, maar plaas ook onself onder Sy vloeke.

God se seëninge sluit die volgende voorwaardes in:

1. Gehoorsaamheid aan Sy stem,

2. en hou Sy verbond:

Exo 19:5 As julle dan nou terdeë na my stem luister en my verbond hou, sal julle my eiendom uit al die volke wees, want die hele aarde is myne.

3. Jy moet God liefhê:

Deut 6:5 Daarom moet jy die HERE jou God liefhê met jou hele hart en met jou hele siel en met al jou krag.

4. Jy moet Sy gebooie onderhou:

Lev 22:31 Hou dan my gebooie en doen dit. Ek is die HERE.

5. Wandel in Sy weë:

Deut 28:9 Die HERE sal jou vir Hom as heilige volk bevestig soos Hy jou dit gesweer het, as jy die gebooie van die HERE jou God hou en in sy weë wandel.

6. Moenie links of regs afwyk nie:

Deut 28:13 En die HERE sal jou die kop en nie die stert maak nie, en jy sal net boontoe en nie ondertoe gaan nie as jy luister na die gebooie van die HERE jou God wat ek jou vandag beveel om te hou en te doen,

Deut 28:14 en jy nie regs of links afwyk van al die woorde wat ek julle vandag beveel,

7. Moenie ander gode dien nie:

Deut 28:14, om agter ander gode aan te loop om hulle te dien nie.

8. Sy verordeninge uitvoer:

1Kon 6:12 Wat hierdie huis betref, wat jy besig is om te bou—as jy wandel in my insettinge en my verordeninge uitvoer en al my gebooie onderhou om daarin te wandel, dan sal Ek my woord wat Ek tot jou vader Dawid gespreek het, aan jou vervul;

9. Aandagtig na Hom luister:

Jer 17:24 As julle dan aandagtig na My luister, spreek die HERE

.....

Hier sê die King James Version "dilligently hearken unto Me."

"Dilligently" beteken ook: om 'intelligent te luister, met 'n implikasie van liefde en gehoorsaamheid.'

Die seëninge in Deut 28 lees soos volg:

Deut 28:1 As jy dan goed luister na die stem van die HERE jou God om sorgvuldig te hou al sy gebooie wat ek jou vandag beveel, dan sal die HERE jou God jou die hoogste stel bo al die nasies van die aarde.

Deut 28:2 En al hierdie seëninge sal oor jou kom en jou inhaal as jy luister na die stem van die HERE jou God.

Deut 28:3 Geseënd sal jy wees in die stad, en geseënd sal jy wees in die veld.

Deut 28:4 Geseënd sal wees die vrug van jou liggaam en die vrugte van jou land en die vrug van jou vee, die aandeel van jou beeste en die aandeel van jou kleinvee.

Deut 28:5 Geseënd sal wees jou mandjie en jou bakskottel.

Deut 28:6 Geseënd sal jy wees by jou ingang, en geseënd sal jy wees by jou uitgang.

Deut 28:7 Die HERE sal maak dat jou vyande wat teen jou opstaan, voor jou verslaan word; op een pad sal hulle teen jou uittrek en op sewe paaie voor jou uit vlug.

Deut 28:8 Die HERE sal die seën oor jou gebied in jou skure en in alles waar jy jou hand aan slaan; en Hy sal jou seën in die land wat die HERE jou God jou sal gee.

Deut 28:9 Die HERE sal jou vir Hom as heilige volk bevestig soos

Hy jou dit gesweer het, as jy die gebooië van die HERE jou God hou en in sy weë wandel.

Deut 28:10 En al die volke van die aarde sal sien dat die Naam van die HERE oor jou uitgeroep is, en hulle sal vir jou vrees.

Deut 28:11 En die HERE sal die goeie aan jou oorfloedig gee in die vrug van jou liggaam en in die vrug van jou vee en in die vrugte van jou land, in die land wat die HERE aan jou vaders met **'n eed beloof het om aan jou te gee.**

Deut 28:12 Die HERE sal sy goeie skatkamer, die hemel, vir jou oopmaak om die reën van jou land op die regte tyd te gee en om al die werk van jou hand te seën; en jy sal aan baie nasies uitleen, maar self nie hoef te leen nie.

Deut 28:13 En die HERE sal jou die kop en nie die stert maak nie, en jy sal net boontoe en nie ondertoe gaan nie as jy luister na die gebooië van die HERE jou God wat ek jou vandag beveel om te hou en te doen,

Deut 28:14 en jy nie regs of links afwyk van al die woorde wat ek julle vandag beveel, om agter ander gode aan te loop om hulle te dien nie.

Seëninge van ware liefde:

1Joh 3:19 En hieraan weet ons dat ons uit die waarheid is; en ons sal ons harte voor Hom gerusstel,

1Joh 3:20 want as ons hart ons veroordeel, God is meer as ons hart, en Hy weet alles.

1Joh 3:21 Geliefdes, as ons hart ons nie veroordeel nie, dan het ons vrymoedigheid teenoor God;

1Joh 3:22 en wat ons ook al bid, ontvang ons van Hom, omdat ons sy gebooië bewaar en doen wat welgevallig is voor Hom.

Seëninge van die Regverdigde:

1. Verlossing:

Psa 28:8 **Die HERE is 'n sterkte vir hulle, en Hy is 'n vesting van verlossing vir sy gesalfde.**

2. Guns en genade:

Psa 11:7 Want die HERE is regverdig; Hy het geregtighede lief; die opregtes sal sy aangesig sien.

3. Beloning:

Psa 18:24 Maar ek was opreg by Hom, en ek was op my hoede vir my ongeregtigheid.

Psa 18::25 So het die HERE my dan vergelde na my geregtigheid, na die reinheid van my hande, voor sy oë.

4. Manifestasie van God:

Psa 18:26 By die liefderyke betoon U Uself liefderyk, by die opregte man opreg,

5. Blydskap:

Psa 64:11 Die regverdige sal bly wees in die HERE en by Hom skuil, en al die opregtes van hart sal hulle beroem.

6. Goedertierenheid:

Psa 36:11 Laat u goedertierenheid voortduur vir die wat U ken, en u geregtigheid vir die opregtes van hart.

7. 'n Ewige erfenis:

Psa 37:18 Jod. Die HERE ken die dae van die opregtes, en hulle erfdeel sal tot in ewigheid bly.

8. Vrede:

Joh 14:27 Vrede laat Ek vir julle na, my vrede gee Ek aan julle; nie soos die wêreld gee, gee Ek aan julle nie. Laat julle hart nie ontsteld word en bang wees nie.

9. Oorwinning oor ons vyand:

1Kor 15:57 Maar God sy dank, wat ons die oorwinning gee deur onse Here Jesus Christus.

10. Alle goeie dinge:

Psa 84:12 **Want die HERE God is 'n son en skild; die HERE sal** genade en eer gee; Hy sal die goeie nie onthou aan die wat in opregtheid wandel nie.

11. Geregtigheid:

Psa 94:15 want die regspraak sal terugkeer tot geregtigheid, en al die opregtes van hart sal dit volg.

12. Voorspoed:

Psa 112:3 He. Oorvloed en rykdom is in sy huis; Wau. en sy geregtigheid bestaan tot in ewigheid.

13. Lig:

Psa 112:4 **Sajin. Vir die opregtes gaan Hy op as 'n lig in die duisternis:** Get. genadig en barmhartig en regverdig.

14. 'n Aardse woning:

Spr 2:21 want die opregtes sal die land bewoon, en die regskaopenes daarin oorbly,

15. Beskerming:

Psa 27:5 Want Hy steek my weg in sy hut in die dag van onheil; Hy **verberg my in die skuilplek van sy tent; Hy verhef my op 'n rots.**

Psa 91:1 Hy wat in die skuilplek van die Allerhoogste sit, sal vernag in die skaduwee van die Almagtige.

16. Sterkte:

Psa 28:7 Die HERE is my sterkte en my skild; op Hom het my hart vertrou, en ek is gehelp; daarom jubel my hart en sal ek Hom loof met my gesang.

17. Die behae van die Here:

Spr 11:20 **Die wat verkeerd van hart is, is vir die HERE 'n gruwel;** maar Hy het behae in die wat regskepe van wandel is.

18. Antwoord op gebed:

Spr 15:8 **Die offer van die goddelose is vir die HERE 'n gruwel, maar** die gebed van die opregtes is Hom welgevallig.

Seëninge vir hulp aan die armes:

1. Hulp in die dag van onheil:

Psa 41:2 Welgeluksalig is hy wat ag gee op die arme; die HERE sal hom red in die dag van onheil.

2. Die Here sal hom bewaar:

Psa 41:3 Die HERE sal hom bewaar en hom in die lewe hou;

3. Gelukkig wees op die aarde:

Vers 2: hy sal gelukkig gemaak word op die aarde,....

4. Sal nie oorgegee word aan vyande nie:

Vers 2: Ja, U kan hom nie oorgee aan die begeerte van sy vyande nie.

5. Ondersteuning op die siekbed:

Psa 41:4 Die HERE sal hom ondersteun op die siekbed; sy hele slaapplek verander U as hy krank is.

Tugtiging:

Ongelukkig doen ons ook soos die Israëliete deur gedurig terug te val en daardeur God se toorn op te wek.

Psa 78:41 en hulle het God opnuut versoek en die Heilige van Israel gekrenk.

Die King James sê:

Psa 78:41 "And time and again they turned back and tempted God, provoking and incensing the Holy One of Israel."

God was, en is, nog altyd regverdig, om die mens 'n kans te gee om terug te keer, maar as dit nie gebeur nie, stel ons onself bloot aan die tugtiging van die Here:

Lev 26:18 En as julle dan nog nie na My luister nie, sal Ek voortgaan om julle sewevoudig weens julle sondes te tugtig.

Spr 3:12 want die HERE tugtig hom wat Hy liefhet, **ja, soos 'n** vader die seun in wie hy behae het.


Jer 2:19 Jou eie boosheid sal jou tugtig, en jou afkerighede sal jou straf; weet dan en sien dat dit verkeerd en bitter is dat jy die HERE jou God verlaat het, en dat my vrees nie by jou is nie, spreek die Here, die HERE van die leë skare.

Job 5:17 Kyk, gelukkig is die man wat God kasty; verwerp daarom die tugtiging van die Almagtige nie.

Heb 12:7 As julle die tugtiging verdra, behandel God julle as seuns; want watter seun is daar wat die vader nie tugtig nie?

Open 3:19 Almal wat Ek liefhet, bestraf en tugtig Ek. Wees dan ywerig en bekeer jou.

Die Here wil ons graag seën.



Gen 1:28 En God het hulle geseën,.....

Gen 26:12 Isak het toe in dié land gesaai en daardie jaar honderd-voudig gewen, want die HERE het hom geseën.

Rigt 13:24 **En die vrou het 'n seun gebaar en hom Simson genoem;** en die kind het groot geword, en die HERE het hom geseën.

Ps 5:13 Want U seën die regverdige, o HERE, U omring hom **met welbehae soos met 'n skild.**

Psa 115:13 Hy sal diegene seën wat die HERE vrees, die kleintjies saam met die grotes.

Psa 128:4 Kyk, so sal sekerlik geseën word die man wat die HERE vrees.

Spr 10:22 Die seën van die HERE—dit maak ryk, en moeitevolle arbeid voeg daar niks by nie.

Spr 11:25 Die siel wat seën, word versadig; en hy wat laaf, word self ook gelaaf.

Spr 3:33 Die vloek van die HERE is in die huis van die goddelose, maar Hy seën die woning van die regverdiges.

Jes 61:9 En hulle nageslag sal bekend word onder die nasies en hulle nakomelinge onder die volke; almal wat hulle sien, sal **hulle daarvoor aansien dat hulle 'n geslag is wat die** HERE geseën het.

Jer 17:7 Geseënd is die man wat op die HERE vertrou, en wie se vertrou die HERE is.

Mat 5:44 Maar Ek sê vir julle: Julle moet jul vyande liefhê; seën die wat vir julle vervloek, doen goed aan die wat vir julle haat, en bid vir die wat julle beledig en julle vervolg;

Luk 6:28 Seën die wat vir julle vervloek, en bid vir die wat julle beledig.


Rom 12:14 seën die wat julle vervolg, seën en moenie vervloek nie;

Jak 3:10 Uit dieselfde mond kom seën en vervloeking. Dit, my broeders, behoort nie so te wees nie.

1Pet 3:9 Vergeld geen kwaad met kwaad of skeldwoorde met skeldwoorde nie, maar seën inteendeel, omdat julle weet dat julle hiertoe groep is, sodat julle seën kan beërwe.

[Abiméleg aan Isak.]

Gen 26:29Jy is nou eenmaal die geseënde van die HERE.



Maak U Huis Gelukkig

LEER om jouself te beheer en om sag en geduldig te wees.

Wees opgeruimd en kweek 'n sonnige geardheid aan. Bedwing jou humeur, veral in tye van kommer, teleurstelling en slegte gesondheid; sterk jou deur gebed, deur berou en deur 'n besef van jou eie tskortkominge en gebreke. As jy in onsekerheid verkeer, handel of praat nie voordat jy gebid en Christus gevra het wat Hy in jou plek sou gedoen het nie.

Onthou dat dit goed is om te praat, maar dat dit meestal beter is om te swyg.

Verwag nie veel van ander nie, maar besef dat elkeen sy foute en verkeerde neiginge het, en dat ons moet vergewe en vergeet, want dikwels het ons dit self nodig.

Gee nooit toe aan harde verwyte of kwaai woorde nie. Die tweede woord bring rusie.

Leer om met 'n sagte en kalme stem te praat. Probeer om vriendelike en aangename dinge te sê.

Bestudeer die karakter van elke familielid en deel in sy sorg, hoe nietig dié ook mag wees.

Veronagsaam nie die klein dingetjies wat die lewe veraangenaam nie. Vermy drif, gemeenheid en nukkerigheid. Leer om jouself te verloën en gee aan ander die voorkeur. Pasop vir bemoeisieke mense en kwaadpraters.

Luister nooit na gedagtelose of boosaardige praatjies nie. Vra die Here Jesus om in jou huis te woon, dan sal dit in alle waarheid 'n tempel van vrede wees.

Saamgestel deur:

Past Willie Horne
Posbus 872
KLEINBRAK
6503

(044) 696-5891

Epos: konanja333@gmail.com

Indien u enige berading, geestelike hulp of gebed benodig, kan u ons kontak by bogenoemde kontak besonderhede.

Die Here seën U !!!



As ons ontmoet en jy vergeet ons, het jy niks verloor nie, maar as jy **Jesus Christus** ontmoet het en jy vergeet **Hom**, het jy alles verloor.

